



অবিলম্বে প্রকাশের উদ্দেশ্যে: 1/6/2023

গভর্নর ক্যাথি হোকল

গভর্নর হোকল ঘোষণা করলেন যে ডাঃ মার্টিন লুথার কিং জুনিয়রের প্রতি নিউ ইয়র্ক স্টেটের 2023 শ্রদ্ধাঞ্জলি নিউ ইয়র্কের PBS স্টেশনসমূহে সম্প্রচার করা হবে

শুক্রবার, 13 জানুয়ারি, এম্পায়ার স্টেট প্লাজার কনভেনশন সেন্টারে অনুষ্ঠানটির একটি বিশেষ স্ক্রিনিংয়ে বিনামূল্যে অংশগ্রহণ করার জন্য জনগণকে আমন্ত্রণ জানানো হচ্ছে

অ্যালবানির ফার্স্ট চার্চের সিনিয়র মিনিস্টার রেভারেন্ড ডাঃ ম্যাশোনা ওয়ালস্টন অনুষ্ঠানটির উপস্থাপনা করবেন

গভর্নর ক্যাথি হোকল আজকে ঘোষণা করলেন যে ডাঃ মার্টিন লুথার কিং জুনিয়রের জীবন ও লিগেসি নিয়ে নিউ ইয়র্ক স্টেটের বার্ষিক স্মৃতি উদযাপনটি একটি স্টেটব্যাপী সম্প্রচার ইভেন্ট হিসেবে উপস্থাপিত হবে, "নিউ ইয়র্ক যা মার্টিন লুথার কিং জুনিয়রকে উদযাপন করে: পরিবর্তনের পথ" (New York State Celebrates Dr. Martin Luther King Jr.: Paths to Change), যা 15 জানুয়ারি, রবিবার থেকে নিউ ইয়র্ক স্টেটজুড়ে [PBS স্টেশনসমূহে সম্প্রচার করা হবে](#)। এছাড়াও জনগণ শুক্রবার, 13 জানুয়ারি, অ্যালবানির এম্পায়ার স্টেট প্লাজার কনভেনশন সেন্টারে (Empire State Plaza Convention Center) শ্রদ্ধাঞ্জলির একটি বিশেষ স্ক্রিনিংয়ে বিনামূল্যে অংশগ্রহণ করতে পারবে, বা 16 জানুয়ারি, সোমবার সকাল 10টা থেকে [অনুষ্ঠানটি দেখতে পারবে](#)।

"অনেক কম ব্যক্তিই ডাঃ মার্টিন লুথার কিং জুনিয়রের মতো নিজের কথা ও কাজ দ্বারা আমাদের দেশ ও গোটা বিশ্বের মানুষের বিবেককে জাগ্রত করতে পেরেছে," **গভর্নর হোকল বলেন।** "এই বছর, নিউ ইয়র্ক স্টেটব্যাপী একটি সম্প্রচার উপস্থাপন করবে যেখানে ডাঃ কিংয়ের ভিশনের চিরস্থায়ী লিগেসি এবং আমাদের সকলের মধ্যে তিনি যেই প্রতিজ্ঞা স্থাপন করেছেন তা তুলে ধরা হবে। অসাধারণ একজন ব্যক্তির প্রতি এই মর্মস্পর্শী শ্রদ্ধাঞ্জলি দেখার জন্য আমি সকল নিউ ইয়র্কবাসীকে আমন্ত্রণ জানাচ্ছি।"

"ডাঃ মার্টিন লুথার কিং জুনিয়র আমাদের সমাজের একটি স্তম্ভ হিসেবে কাজ করেছেন এবং তার লিগেসি আমাদের দেশের ইতিহাসে পাকাপোক্ত হয়ে আছে। তার বীরোচিত কর্মকাণ্ড এবং শক্তিশালী বার্তা অনেক মানুষকে অনুপ্রাণিত করেছে এবং এটি আগামী অনেক প্রজন্মের জন্য একটি অনুপ্রেরণা হিসেবে কাজ করে যাবে," **লেফ্টেন্যান্ট গভর্নর অ্যান্টনিও ডেলগাডো**

বলেন। "আমি গভর্নর হোকলের সাথে যোগ দিয়ে মহান পুরুষ ডাঃ কিংয়ের প্রতি শ্রদ্ধা নিবেদনকারী নিউ ইয়র্কের স্টেটব্যাপী সম্প্রচার ঘোষণা করতে পেরে গর্বিত।"

স্টেটের সাধারণ সেবার অফিস (Office of General Services, OGS) এবং অন্যান্য নিউ ইয়র্ক স্টেট এজেন্সির প্রতিনিধিদের বার্ষিক সমন্বয়ে তৈরি ডাঃ কিংয়ের প্রতি একটি শ্রদ্ধাঞ্জলি, যা পুরো নিউ ইয়র্ক স্টেটের এমন ব্যক্তি ও সংগঠনকে তুলে ধরে যারা সামাজিক ন্যায়বিচার, স্বাধীনতা এবং সমতার জন্য আমেরিকার সবথেকে উল্লেখযোগ্য নেতাদের একজনের নীতিকে ধারণ করে। এক ঘণ্টার শ্রদ্ধাঞ্জলিটি এলাকা ভেদে ভিন্ন ভিন্ন সময়ে সম্প্রচার করা হবে; আরো বিস্তারিতের জন্য দর্শকদের তাদের টিভি তালিকা বা স্থানীয় PBS স্টেশন দেখতে উৎসাহিত করা যাচ্ছে।

সাধারণ সেবা অফিসের কমিশনার জিনেট ময় বলেন, "যখন নিউ ইয়র্কবাসীরা ডাঃ মার্টিন লুথার কিং জুনিয়রের জীবন ও লিগেসির স্মৃতিরক্ষা উৎসবে একত্রে যোগ দিচ্ছে, তখন আমাদের সকলকেই আরো ঐক্যবদ্ধ সমাজের জন্য তার ভিশনের প্রতি নিজেদের আরো নিবেদিত করতে হবে। আমাদেরকে নিউ ইয়র্কে এবং এই দেশে তার লিগেসিকে সামনে রেখে সমতা ও ন্যায্যতার জন্য আমাদের অতীষ্ট লক্ষ্যে অগ্রসর হতে হবে। এই অনুষ্ঠানটি দেখার জন্য এবং ডাঃ কিংয়ের স্বপ্নকে জীবিত রাখতে নিজেদেরকে পুনরায় প্রতিশ্রুতিবদ্ধ করার জন্য আমি গভর্নর হোকলের সাথে যোগ দিয়ে নিউ ইয়র্কবাসীকে তাগিদ দিচ্ছি।"

WMHT প্রধান নির্বাহী কর্মকর্তা অল্টম্যান বলেন, "সকলের জন্য ন্যায়বিচার, অধিকার ও স্বাধীনতার প্রতি ডাঃ মার্টিন লুথার কিং জুনিয়রের প্রতিশ্রুতিকে উদযাপন করতে আরেকবার পুরো নিউ ইয়র্ক স্টেটের সম্প্রদায়সমূহকে একত্রিত করতে পেরে আমরা সম্মানিত বোধ করছি। আমেরিকার জন্য ডাঃ কিংয়ের ভিশন যে আজকে অত্যাবশ্যকীয় হয়ে আছে তা এইসব গল্প ও বক্তব্য প্রদর্শন করে এবং আমরা সরকারি টেলিভিশনের মাধ্যমে এই বার্তা সকলের কাছে পৌঁছে দিতে পেরে গর্বিত।"

এই বছরের অনুষ্ঠানটি দর্শকদের নিউ ইয়র্ক স্টেটের একটি ভার্যুয়াল ট্যুরে নিয়ে যাবে, যার উপস্থাপনা করবেন রেভারেন্ড ম্যাশোনা ওয়ালস্টন, তিনি একজন প্যাস্টর, চ্যাপলেইন, বক্তা, ভেটেরান অ্যাডভোকেট এবং নিউরো থিওলজিয়ান, তিনি অ্যালবানির ফার্স্ট চার্চের (First Church) একজন সিনিয়র মিনিস্টার হিসেবে কর্মরত আছেন।

বাহেলো থেকে ব্রুকলিন, রচেস্টার থেকে নিউ প্যাল্টজ পর্যন্ত নিউ ইয়র্কবাসীদের দৃষ্টিভঙ্গি দ্বারা তৈরি, পুরো নিউ ইয়র্ক স্টেটে পরিবর্তনের পথের প্রতিফলন করে এমন সঙ্গীত, শিল্প ও অনুপ্রেরণাদায়ক গল্পের মাধ্যমে অনুষ্ঠানটি ডাঃ মার্টিন লুথার কিং জুনিয়রের জীবন ও স্বপ্নের উপর আলোকপাত করে। অনুষ্ঠানের কিছু লক্ষণীয় অংশ হলো:

- মার্টিন লুথার কিং জুনিয়র দিবস উপলক্ষে গভর্নর হোকলের একটি বিশেষ বার্তা
- "শান্তির পথ" নিয়ে একটি ফিচার যেখানে আধ্যাত্মিক নেতা মহাত্মা গান্ধী, ম্যালকম এক্স এবং ডাঃ কিংয়ের উপর তাদের প্রভাব তুলে ধরা হবে।

- অনুপ্রেরণাদায়ক পারফরম্যান্স, যার মধ্যে থাকবে নিউ ইয়র্ক স্টেট ইউনিভার্সিটি (State University of New York, SUNY) নিউ প্যাল্টজ শিল্প কর্মসূচির (New Paltz arts program) শিক্ষার্থীদের অভিনয়ে নিউ প্যাল্টজ গ্র্যাজুয়েট লিস্টার মায়ার্সের লেখা একটি নতুন নাটক; 2023 ডাঃ মার্টিন লুথার কিং জুনিয়র জোটের (2023 Dr. Martin Luther King Jr. Ensemble) গান; এবং কথিত শব্দের শিল্পী অ্যালোনজো ভার্বালের একটি শক্তিশালী উপস্থাপনা।
- অ্যাপোলো থিয়েটারের (Apollo Theater) একটি প্রোফাইল, যা "আমেরিকান সংস্কৃতির আত্মা" নামেও পরিচিত।
- SHRED এর একটি প্রদর্শনী, এটি একটি স্লোবোর্ডিং ফাউন্ডেশন যা পাহাড়ে এবং এর বাইরেও সম্প্রদায়ের কমবয়সীদের জীবনের লালনপালন করছে।

সকলেই ড. কিংয়ের ভাবমূর্তিতে জীবনযাপন করা নিউ ইয়র্কবাসীদের ব্যাপারে আরো জানতে অনুষ্ঠানটি দেখার জন্য আমন্ত্রিত। এছাড়াও জনগণকে 13 জানুয়ারি, শুক্রবার, এম্পায়ার স্টেট প্লাজা কনভেনশন সেন্টারে শ্রদ্ধাঞ্জলির একটি বিশেষ ক্লিনিংয়ে অংশগ্রহণ করার জন্য আমন্ত্রণ জানানো হচ্ছে। ইভেন্টটি বিনামূল্যের, এবং হালকা নাস্তার জন্য সন্ধ্যা 6টায় দরজা খুলে দেওয়া হবে এবং অনুষ্ঠানটির ক্লিনিং ঠিক সন্ধ্যা 7টায় শুরু হবে।

অংশগ্রহণ করা বা শ্রদ্ধাঞ্জলিটি দেখার পাশাপাশি, নিউ ইয়র্কবাসীদেরকে নিউ ইয়র্ক স্টেট ডাঃ মার্টিন লুথার কিং জুনিয়র শিক্ষার্থীদের শিল্প ও রচনা ভার্চুয়াল গ্যালারি (New York State Dr. Martin Luther King, Jr. Student Art and Essay Virtual Gallery) দেখার জন্য আমন্ত্রণ জানানো হচ্ছে, যা 11 জানুয়ারি, বুধবার থেকে 28 ফেব্রুয়ারি, মঙ্গলবার পর্যন্ত empirestateplaza.ny.gov/nyking এ দেখার জন্য উপলভ্য থাকবে। প্রদর্শনীতে থাকবে ডাঃ কিংয়ের অহিংসার ছয় নীতি দ্বারা অনুপ্রাণিত হওয়া কিশোরগার্টেন থেকে গ্রেড 12 পর্যন্ত শিক্ষার্থীদের জমা দেওয়া কাজ।

বিগত বছরগুলির মতো, নিউ ইয়র্ক স্টেট ডাঃ কিংয়ের সম্প্রদায়ের ভিশন সার্থক করার জন্য একাধিক সেবা সম্পর্কিত অনুষ্ঠানের আয়োজন করছে, যার মধ্যে আছে ডাঃ মার্টিন লুথার কিং জুনিয়র স্টেটব্যাপী খাদ্য ড্রাইভ, যা 10 ফেব্রুয়ারি, শুক্রবার শেষ হবে, এবং ডাঃ মার্টিন লুথার কিং জুনিয়র স্টেটব্যাপী বই ড্রাইভ, যা 20 ফেব্রুয়ারি, সোমবার শুরু হবে এবং 21 এপ্রিল, শুক্রবার পর্যন্ত চলবে। PBS সদস্য স্টেশন অনুষ্ঠানের ব্যাপারে সর্বশেষ তথ্য এবং ডাঃ কিংয়ের জীবন ও লিগেসি নিয়ে নিউ ইয়র্কের উদযাপন সম্পর্কে আরো তথ্যের জন্য অনুগ্রহ করে empirestateplaza.ny.gov/nyking ভিজিট করুন, এবং ফেসবুক ও টুইটারে @NYSMLK ফলো করুন।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)